

LETTRE
D'VN
RELIGIEUX
A
MONSIEVR L'ABBE'
DE LA
RIVIERE:

Où luy sont enseignez les faciles moyens
de faire sa paix avec Dieu & le Peuple.

On lui fait enigner les faciles moyens
de faire la paix avec Dieu & le Peuple

RIVIERE

D R L A

MONSIEUR L'ABBÉ

RELIGIEUX

D A N

LE T R E

LETTRE D'VN RELIGIEUX
A MONSIEUR L'ABBE'
DE LA RIVIERE;

*Où luy sont enseignez les faciles moyens de faire sa paix
avec Dieu & le Peuple.*

MONSIEUR,

Je ne doute point que les conseils dont ie rends la presente depositaire, ne soient iugez de quelques-vns hors de temps, & que le seruice que ie me suis proposé de vous rendre, n'attire sur moy la haine de ceux qui n'ont point de passion plus forte, que celle de voir distiller vostre ame goutte à goutte par la violence des gehennes & des tortures, dont chacun vous iuge digne, pour le mauuais vsage qu'auetz fait des faueurs qui vous ont esté liberalement departies par les mains du plus grand d'entre les Princes qui soustiennent le poids de cette puissante Monarchie: Mais le iugement des premiers est aussi peu capable d'arrester le cours de mes desirs, que ie ne pouuois enfanter plustost, sans mettre au iour vn auorton, comme les moins passionnez le iugeront par la suite, que la mauuaise volonté des seconds est impuissante à me faire taire; ce que ie me sens obligé de vous decouvrir en qualité de bon François & de vostre amy, avec toute la franchise que vous pouuez attendre d'une personne qui ne veut que le bien public, & le vostre en particulier, avec autant de zele que le sien propre.

Le bruit de l'enléuement de nostre ieune Monarque à peine fut-il épandu par la ville, que chacun prenant la liberté d'en rechercher les auteurs, il fut facile à remarquer la diuersité des passions qui agitoient les cœurs de ces peuples innombrables, qui rendent Paris la premiere Cité de l'Vniuers.

Dans l'extreme douleur où mon amē fut plongée au bruit d'un si fâcheux accident; ie pris resolution de chercher quelque allegement dans la conuersation, craignant que la retraite ne rendit mon mal extreme, par vne trop profonde consideration des defastres que ie preuoyois en queuē de cette action temeraire.

Omniū me
seruum fe-
ci, vt plures
lucriferē
1. Cor. 9.

Ie quitte donc ma solitude, ie visite mes amis, mesme ie m'ingere parmy ceux qui m'estoient inconnus, & abbaissant ma condition, ie me rendis populaire. Ainsi à l'exemple de saint Paul, ie me soumettois à tous, afin de gagner vn chacun, & tirer par ce moyen plus facilement leurs sentimens. Je ne m'arreste point à vous raconter combien cette façon d'agir reussit selon mes desirs, & charma ma douleur; Vous le pouuez aussi bien iuger que moy, quoy que cette sorte de communication consiste principalement à s'abaisser iusqu'à vne condition la plus humble, & feindre d'estre ce qu'on n'est pas. Nos Histoires nous en donnent des exemples en la personne de plusieurs de nos Roys, qui ont montré à leurs sujets, qu'il falloit quelquefois rabatre de ce que la nature les auoit faits, s'ils ne vouloient que cette mesme nature leur fust à charge. Je ne puis pas vous rapporter en d'étail tout ce qui fut dit; mais ce que ie pûs remarquer fut vn partage des esprits, que ie reconnus autant diuers, que les personnes que j'abordoys, estoient diuerses en condition.

Ceux que la nature auoit fait naistre d'une condition au dessous de la mediocre, & qui approchoit de la plus basse, n'auoient que des paroles de feu pour le Mazarin, qu'ils ne regardoient pas pourtant tellement autheur de nostre infortune, que vous n'y eussiez aussi vostre part: Vn sens plus subtil causé par vne naissance plus noble, donnoit moyen aux autres de penetrer mieux la verité du fait, d'où ils tiroient des lumieres qui vous estoient bien autrement prejudicia- bles qu'à Mazarin, & qui faisoient clairement voir que l'at- tentat sur la personne de sa Majesté deuoit estre attribué à vous seul, & non pas à luy, qui n'ayant de soy assez d'accez aupres de Monsieur le Duc d'Orleans, pour le faire consen- tir à vne action si criminelle, qu'il pouuoit empescher en dé- niant son consentement, s'est serui de vous pour l'extorquer. Chacun a sceu avec combien de repugnance Monsieur le Duc d'Orleans s'est laissé aller, & quelle violence il a fait sur
soy-meisme.

foy-mesme, pour vous accorder ce qu'il ne pouuoit entiere-
ment vous dénier; sa volonté estant plus dans vostre puis-
sance que dans la sienne.

Neantmoins vous auez ce bon-heur en vostre mal-heur,
que cette lumiere, aussi difficile à decouurir d'abord, que
l'est la verité au fonds du puits de Democrite, ne se laissoit
toucher que de peu de personnes: Mais comme cette fille
du temps est obligée enfin de se manifester; l'apprehension
que i'eus que vous ne passassiez de la haine particuliere à la
publique, & sur tout à la posterité, où le Mazarin vogueoit à
pleines voiles, me fit prendre deslors resolution de vous en
donner auis; en sorte que ie pourrois dire avec Ménandre,
qu'au commencement de vostre cheute la presente estoit
route prestee, & qu'il n'y auoit plus que les paroles à faire;
mais ie me sentis obligé de differer par vne pensée qui me
vint, que vostre crime estoit plustost vn coup d'adresse qu'un
trait de malice; & que vous pensiez moins à outrager l'Oingt
du Seigneur, qu'à punir le Mazarin qui abusoit de la tendres-
se de son âge, par le moyen de l'affection de la Reine, qui l'a-
uoit attiré sur soy: de dire comment, ie le laisse à iuger à ce-
luy que l'Ecriture appelle droit en ses iugemens.

Nolite tan-
gere Chri-
stos meos.
Psal. 104.
Iustus es
Domine, &
rectum iu-
diciū tuum.
Psal. 138.

Tous ceux auxquels ie decouurois le iugement que ie fai-
sois de vostre action, estoient obligez d'auouer, que si vous
estiez entré dans ma pensée en enleuant le Roy, vous n'a-
uiez pas mal donné le change au Mazarin, puis qu'à l'imita-
tion des Archers, vous auiez frapé en tirant le bras, & don-
né à connoistre que le coup estoit lasché par Mazarin: mais
ils adjoustoient; que pour l'ancrer encore dauantage dans la
haine populaire, ils estimoient que vous deuez retenir le
Roy à S. Germain, autant de temps qu'il en falloit pour bien
maistrer le peuple, d'autant que par ce moyen elle deuien-
droit irrecconciliable.

Neantmoins la suite du temps m'a fait connoistre que ie
conceuois pour vous des pensées trop fauorables, & que
vous n'estiez pas si subtil que ie me figurois; ce qui ne m'a
pas pourtant dissuadé du premier dessein où j'estois, de vous
remettre deuant les yeux, sinon ce que vous auiez resolu, au
moins ce que vous deuez faire, tant pour le bien de la Fran-
ce, comme pour vostre vtilité particuliere. Car vous deuez
considerer que tous les momens qui composent vostre vie,

tirent son bon-heur ou sa fatalité d'un seul. Les faueurs, pour insignes qu'elles soient, passeront tousiours pour des veritables disgraces, si cét instant ne les fait naistre. Vous n'avez que trop éprouué cette verité, tant sous le gouuernement du feu Cardinal de Richelieu, que sous celuy de Mazarin, & ie ne doute point que quand vous repassez par vostre memoire les faueurs que vous avez receuës sous ces deux diuers gouuernemens, vostre esprit ne deuienne chagrin au souuenir des disgraces dont elles ont esté trauersées; & que la longue prison que vous a fait souffrir celuy-là, aussi bien que les embusches & les destours qui vous ont esté souuent dressées par celuy-cy, ne vous ayent rendu ces sortes de faueurs plus ameres que de l'absynthe.

Si vous en vouliez rechercher la veritable raison, vous trouueriez que cela prouient, de ce que la Fortune vous estant prodigue, vous avez mal cultivé ce moment sur lequel elle auoit estably sa fermeté, & qui estant bien conduit l'eust mise à l'abry des fascheuses atteintes auxquelles elle est sujette, quand on ne la recueille qu'inconsiderément: C'est pourquoy vous avez dans l'occurrence presente, d'autant plus de necessité de deferer à mes conseils pour la conduite de vostre fortune, qu'elle est sur le point de finir avec vostre vie, si vous méprisez l'occasion que vous avez encore entre vos mains.

La longueur du temps qui s'est écoulé depuis l'enleuement du Roy, a tellement desillé les yeux du peuple, & fait connoistre que vous en estes le veritable auteur, comme Mazarin de tous les maux qui l'ont accueilly depuis plusieurs années, qu'il seroit difficile de dire qui de vous deux il a le plus en horreur; car quoy que ses feux semblent plus allumez contre vostre complice, ceux qu'il couue sous la cendre contre vous, n'en sont pas pour cela moins à apprehender. Si la voix publique ne vous demande pas avec des cris & des opiniaistretes, comme elle fait Mazarin, ce n'est pas que vous ne soyez assez coupable, mais c'est possible que vous n'avez pas assez de vertu pour meriter ce funeste honneur, joint que le peuple apprehende que l'autre ne luy échappe, & il sçait qu'il luy sera tousiours facile de vous auoir.

Ie ne doute point que si Mazarin estoit François, & qu'il vous amenast chargé de fers aux pieds de cét auguste Parle-

ment pour y entendre l'Arrest de vostre condemnation, il n'aquist par cette action genereuse la bienveillance du peuple & ne s'y conseruast, pour peu qu'il apportast par apres de moderation dans ses violences, tant vous estes en horreur. Mais c'est vne qualite qu'il n'a pas, & qu'on ne scauroit vous oster, faites ce qu'il deuroit faire s'il estoit en vostre place, & affermissez le cours de vostre vie, en liurant celle de vostre ennemy. Ce coup d'adresse vaudra bien celuy dont il a vsé en vostre endroit, lors qu'oublieux de vostre naissance, vous vous procuriez par toutes sortes d'inuentions le chapeau de Cardinal. C'est l'vnique moyen d'arrester le foudre qui doit ecraser vostre teste criminelle.

Si par le passé vous auez exposé à tous momens l'autorité de Monsieur le Duc d'Orleans, à l'appetit de quelque petite recompense dont on vous leuroit, & que comme le plus grand ennemy de son honneur & de sa conscience, vous luy auez fait commettre mille iniustices & lascherez, pour quelque somme d'argent ou Abbaye qu'on vous donne de temps en temps à cette fin; vous pouuez bien maintenant employer la mesme autorité, pour conseruer par vne bonne action, ce que vous auez acquis par tant de mauuaises.

Vous iugez aussi bien que moy, que vostre fortune est puissamment attaquée de deux costez, par Monsieur le Prince & par le Peuple, & que si ces derniers iours il vous a encor procuré vne Abbaye, ce n'est pas tant pour affection qu'il vous porte, comme par dessein de se seruir de vous, iusqu'à ce que le timon qu'il pretend vsurper soit affermi entre ses mains: à quoy il ne peut paruenir, que premierement Monsieur le Duc d'Orleans ne commette mille foiblesses, ne deshonore le rang que son sang luy donne dans l'Estat, & ne se détruise soy-mesme: Or il n'y a que vous seul capable d'emporter cela sur son esprit. Mais qu'arrivera-il de vostre infame negoce? vne fin mal-heureuse pour vous. Lors que Monsieur le Prince sera arriué au dessus de ses pretensions, il vous traitera comme vn homme de vostre sorte, c'est à dire en coquin, & comme vn autre Iudas, qui a vendu son maître à beaux deniers comptans. Vous voudrez alors vous opposer à l'autorité qui vous opprimerá, mais il ne sera plus temps, elle sera trop fortifiée, il vous faudra de necessity succomber, & perdant la vie quitter les Abbayes que plusieurs

trahions vous ont acquises, afin d'en reueſtir le ſils de celuy qui ne vous les a procurées que pour l'eſtabliſſement de ſa fortune & la ruine de la voſtre. N'implorez point lors la protection de monſieur le Duc d'Orleans, d'autant qu'il vous ſera impuiſſant à vous aſſiſter, pour l'auoir bien voulu & vous auſſi. Voila la recompenſe qui vous attend du coſté de monſieur le Prince.

Quand au Peuple, vous n'en deuez pas attendre vn traitement plus favorable, c'eſt vn lion qui ne pretend pas moins que de vous demembrer auſſi bien que le Mazarin, & que iamais vous ne retirerez de ſa reſolution, qu'en prenant des moyens capables de l'appriuoifer, dont le plus puiſſant eſt de ſacrifier à ſa fureur celuy qui ne doit iamais eſperer de miſericorde.

Dans la méconnoiſſance de vos propres deſauts, vous vous eſtonnerez poſſible, comment cét orage, ou pluſtoſt cette rage publique eſt tombée ſur voſtre teſte, veu que vous n'eſtes entré en aucun employ qui l'ait pû faire naiſtre, que ce n'eſt pas vn crime d'eſtre aymé d'un Prince, ny vne action vicieuſe de profiter de ſa faueur.

Je vous diray en vn mot, que voſtre mal-heur vient de l'entiere conformité d'humeurs & d'actions que vous auez avec Mazarin; Et les loix de la Juſtice veulent, que ceux-là ſouffrent vne meſme peine, qui ſont également coupables d'un meſme crime. Je ne parle point de la baſſeſſe de voſtre extraction, en laquelle vous conuenez avec luy; il ſeroit honteux de vous la reprocher. Vne noble naiſſance eſt vn preſent de la fortune, qu'il n'eſtoit pas en voſtre pouuoir de vous procurer, elle la donne à qui luy plaift, & ceux qu'elle n'a pas choiſis pour les en gratifier ne peuuent s'en formalifer, ny l'accuſer d'iniuſtice, puis qu'elle eſt maiſtreſſe de ſes graces; tous ne peuuent pas naiſtre le Sceptre en la main, & le Diadeſme ſur la teſte: ſ'il naiſſoit autant de Souuerains qu'il naiſt d'hommes, tous voudroient commander, & perſonne ne pourroit obeyr; il faut vne ſubordination des vns aux autres, qui forme vne liaiſon & entretienne vne correſpondance, autrement toutes choſes courroient à leur ruine, laquelle n'eſt iamais plus infaillible, que quand des perſonnes laſſées de viure dans la pouſſiere où elles ont pris naiſſance, ambitionnent de monter ſur les troſnes, pour donner

Iuſtum eſt,
vt quos cul-
pa ſimul in-
quinat, par
etiam pena
aſtringat.
Greg.

donner la loy à ceux desquels elle la deuoir recevoir. Vous & Mazarin seruirez long-temps de preuue à mon dire, & ie ne doute point que vos actions ne soient grauées sur le frontispice du temple de memoire, pour exempter nostre posterité des maux que nous souffrons, faute d'auoir étouffé dans le berceau l'autorité que vous auez vsurpée peu à peu, & que par la suite des temps vous auez fait degenerer en vne dure & insupportable tyrannie.

Quand nous fucilletons nos Histoires, & que remontans sur les siècles passez, nous nous remettons deuant les yeux les actions qui s'y passoient, à peine pouuons nous nous rendre à la verité que nous lisons. Et cependant ce ne sont que les ombres de ce que nous experimentons aujourd'huy. Car quelle chose plus horrible, que de voir d'un costé le fils d'un Mouleur de bois, mener par le nez l'Oncle vnique du Roy: Et de l'autre vn Sicilien, sujet naturel du Roy d'Espagne, & fils d'un Chapelier de la ville de Palerme, soumettre à ses volontez vne Reine Regente, qui pouroit d'une seule parole exterminer ce monstre, & ce destructeur de la nature? Ie ne pretends point par là donner atteinte à vostre naissance, mais ie ne puis aussi approuuer, qu'estant venu d'un si bas lieu, vous perdiez si facilement le souuenir de vostre origine.

Les choses que ie blasme en vous, sont celles seulement que vous pouviez & deuiez euitier, & que vous n'auiez pas voulu, parce que vous croyiez qu'elles pourroient contribuer à vostre auancement, & vous porter au plus haut de la rouë de la fortune, aussi bien qu'elles faisoient Mazarin: c'est pourquoy vous vous l'estes tousiours proposé pour exemple & pour modele, autant qu'il a esté en vostre pouoir. Mais prenez garde que tombant du sommet de la rouë, où la fortune vous a mis l'un & l'autre, elle ne vous abandonne & vous laisse seulement sur la rouë pour seruir d'un horrible spectacle à la posterité. Pour moy i'estime que vous ne trouuerez qu'en ce lieu la recompense de vos actions heroïques, pour ne point dire hyroniques ou erronées. Que Mazarin ne le merite, personne n'en doute, & vostre conscience mesme vous force de le croire, quoy que vous n'osiez l'auouer publiquement. Mais possible que la dureré de vostre cœur & l'aveuglement de vostre ame, vous empesche

Oculos ha-
bent & non
videbunt
Eſal. 113.

de connoître que vous devez partager ce ſupplice avec luy. Si vous avez des yeux meilleurs que ceux deſquels l'Ecriture parle, qui en ont, mais n'en peuuent voir, ouurez-les, & reconnoiſſez que vos crimes ne different en rien des ſiens, ſinon poſſible en ce qu'ils ſont plus enormes.

Car ſi Mazarin a abuſé de la facilité de la plus vertueuſe Reine qui ait paru en France; Vous avez trahy à tous momens le meilleur Prince & le plus puiffant que le Soleil ait veu naiſtre depuis le commencement de cette Monarchie.

Si Mazarin eſt vicieux, ce ſeroit vne erreur de croire que vous fuſſiez Sainct.

Si Mazarin à vne ſoiſ inſatiable des richesses; vous tirez de toutes mains.

Si Mazarin auance les ſiens aux deſpens de la France rendant leur fortune vn objet d'enuie, autant qu'elle l'eſtoit autrefois de compaſſion; Vous diſſipez tout ce que vous pilez ſans que les voſtres en profitent.

Si Mazarin par ſes volleries a fait ſon pere Citadin de Veniſe; dans les voſtres vous n'avez daigné ietter la veuë ſur la miſere de voſtre propre mere, que meſme vous n'avez pas voulu reconnoiſtre, crainte que ce ne fut vne tache à voſtre grandeur imaginaire, l'ayant ſoulagée de deux mille liures de penſion, ſur la fin de ſes iours ſeulement, par vne tardive compaſſion que vous euſtes de l'extreme neceſſité où vous ſçauiez que ſa naiſſance l'auoit miſe; tandis que d'vn autre coſté vous vous miriez dans voſtre queuë comme le paon, & qu'il vous ſembloit que la fortune n'eũt d'éclat que pour vous.

Si Mazarin fait vn maquignonage & vn commerce infame des Eueſchez & Abbayes; vous les deuorez autant qu'il eſt en voſtre pouuoir.

Si Mazarin careſſe ceux qu'il veut perdre; vous les attaquez ouuertement, & les démembrez avec rage.

Si Mazarin déchire les entrailles de la France, & la rend vn lieu de deſert & vne vaſte ſolitude, il ne s'en faut pas étonner, parce qu'elle luy eſt vn pays ſeulement de conqueſte, & vn lieu où il ne pretend pas eſtablir ſa demeure; Mais que vous le ſecondiez dans ſes pernicieuſes entrepriſes, vous qui eſtes né François, & qui devez renfermer dans

ce Royaume tout vostre bon-heur, c'est ce que ne peuuent conceuoir les mieux sensez.

Si Mazarin est Cardinal pour en deshonorer la pourpre; Vous l'auiez voulu estre pour la rendre odieuse à tout le monde.

Si Mazarin veut dominer les Princes dans cette qualité de Cardinal, à laquelle il a joint celle de Ministre d'Estat; Vous auez fait tous vos efforts pour marcher mesme au dessus de Mazarin. Ce fut pour cela, que dans la creance d'estre Cardinal vous pristez l'Ordre de Prestre, vous seruant de ce noble caractere, comme d'un moyen pour arriuer au faiste de vostre orgueil insupportable. Mais Dieu a permis que le Chapeau vous soit échapé pour vostre confusion, & que le caractere de Prestre vous soit demeuré pour vostre condamnation.

Si Mazarin est ignorant, vous abusez de la Philosophie que vous auez autrefois enseignée dans vn College de l'Vniuersité, pour subuenir aux necessitez de vostre vie, vous en seruant pour surprendre les bons esprits, & piper les foibles.

Si Mazarin par le nombre affreux des liures qui composent sa Bibliotheque, s'efforce de passer pour quelque sçauant Politique & quelque grand homme d'Estat, bien qu'il ne soit qu'un grand cheual propre pour l'étable; Vous affectez de n'en point auoir, afin de paroistre comme ignorant, & faire croire à ceux qui ne vous connoissent pas, que vostre sang vous a donné le rang que vous tenez, & non pas les fallaces d'une philosophie. Car à vous voir reuestu de quinze ou vingt Abbayes, le cordon bleu au col, au lieu de la corde, que vous meritez, & seant dans le Conseil d'en-haut avec la qualité de Ministre, d'où les Princes sont exclus; il n'y a personne qui ne vous prist pour un des premiers Princes du Sang, ou pour mieux dire, qui vous pût prendre pour le fils d'un Mouleur de bois, pour un Pedant de l'Vniuersité, pour un petit Aumosnier de feu monsieur Habert Euesque de Cahors, & pour un homme qui en toutes ses conditions n'auoit pas dequoy mettre sous sa dent. Sans doute que vostre vie passera un iour pour une fable, aussi bien que celle de Mazarin, mais aupres de ceux qui ne sçauent pas ce que c'est d'auoir la fortune propice, & point de

conscience pour en regler les impetuositez, qui souuent demandent le mépris d'un Dieu, & de son salut.

Je pourrois facilement mettre en auant beaucoup d'autres qualitez dans lesquelles vous conueniez avec Mazarin, & sur lesquelles vous encherissiez, mais il est temps de fermer la présente, qui s'est demesurément estendue sous ma plume, & qui ne prendroit iamais fin, si j'attendois que la matiere me manquast. Neantmoins ie ne puis me resoudre de l'arracher de mes mains pour vous l'enuoyer, sans premierement vous conjurer de repasser par vostre esprit les faueurs singulieres que Dieu vous a liberalement departies, & qui sembloient trouuer leur perfection dans cete imposition de mains qui vous separe des pecheurs, & vous éleuant à vne dignité plus noble que n'est celle des Anges, vous rend mediateur entre Dieu & les hommes. Je sçay que vous l'auiez receuë par vn motif bien esloigné de l'esprit de Dieu, & que vous n'en seriez pas honoré, si vous eussiez sceu certainement que Mazarin, qui entretenoit vostre vanité du chapeau de Cardinal se fust moqué de vous. Mais Dieu qui sçait tirer de l'huile de la dureté du caillou, & faire sortir vne brillante lumiere du milieu des plus épaisses tenebres, sçaura bien aussi conuertir vostre iniquité en vertu, & de demon que vous estes en faire vn Saint, aussi bien que de changer la sentence qu'il a desia prononcée contre vous, pourueu que vous sçachiez amender vostre vie, & reconnoissiez que celuy qui vous a fait sans vous, ne vous sauuera pas sans vous. C'est vn ceuvre de luy & de vous, qui ne sçauroit arriuer à sa perfection, si tous deux ny mettent conjointement la main. Il appartient à Dieu de commencer, à vous de le seconder. Mais vous ne deuez iamais esperer le premier, tandis que vous demeurerez dans l'incapacité du second. C'est pourquoy quittez les fourbes Mazarines qui en sont le plus grand obstacle, éloignez vostre esprit des intrigues de la Cour; & si vous iugez que d'y demeurer de corps vous puissiez accroistre le Royaume de Dieu, retirez-en au moins vostre affection. Dérobez-vous quelquefois pour vous retirer dans cete agreable solitude, le cabinet de vostre cœur, dont l'entrée ne sçauroit iamais vous estre interdite, mesme dans la foule des meilleures compagnies: Là vous trouuerez que ce Seigneur ne vous preschera que la paix avec luy, & le di-

uorce

Segregatus à
peccatoribus.
Heb. 7.
Mediator Dei
& hominum.
1. Tim. 1.

Oleumque de
saxo durissi-
mo. Deut. 31.
Qui dixit te-
nebris lucem
splendescere.
2. Cor. 4.
Veni Domi-
nus mutare
sententiam, si
tu noueris e-
mendare deli-
ctum. Aug.
Qui fecit te,
sine te non
saluabit te si-
ne te.
Augustino
communiter
tribuitur.

Ducam eam
in solitudinem
& loquar ad
cor eius.
Osée 1.
Audiam quid
loquatur in

uerce avec le monde. Ses discours vous surprendront vn peu à l'abord, & vous sembleront des paradoxes, d'autant qu'un homme charnel ne conçoit pas facilement les choses qui sont de l'esprit de Dieu, mais ie ne desespere pas pour cela de vostre conuersion; la perseuerance enfin vous l'obtiendra, & vous fera voir que si la dureté du cœur de Pharaon fut autrefois amolie par les chastimens, en sorte que celuy qui deuant le chastiment ne connoissoit point de Dieu, fut bien obligé de le confesser lors qu'il en sentit la pesanteur du bras: nous ne deuons pas moins esperer de vous, à qui ie veux croire que le Seigneur n'a point entierement osté le cœur de chair pour en mettre vn de pierre en la place; mais cependant nous n'en auons aucune marque. Ce n'est qu'une esperance dont nous flatons nostre misere, qu'un moien viendra, où lassé de vous laisser aller au gré d'une fortune que vous auez éprouuée tant de fois, tantost favorable, tantost marastre, vous prendrez enfin cette resolution de la gouverner vous mesme, crainte qu'elle ne vous precipite dans vn estat aussi pitoyable qu'estoit celuy dont elle vous a retiré, & qu'elle ne vous oblige d'auouer qu'il n'y a point de douleur plus cuisante dans vn reuers de fortune, que celle d'auoir esté autrefois heureux. C'est donc vne prudence d'estre tousiours en crainte tandis qu'elle rit, & de sçauoir tellement parer ses caresses, que dans l'auenir elles ne soient point matiere d'un mauuais traitement. Cette prudence est rare, d'autant que la fortune, comme vn Medecin ignorant, aueugle beaucoup de ceux qu'elle favorise, & leur defaut vient de ce que dans la prosperité ils s'imaginent estre hors la portée des coups de cette traistréssé.

Que leur exemple vous rende sage, & vous fasse prendre resolution de mépriser des faueurs si vacillantes, pour vous attacher à cet Vn si necessaire, & qui doit durer eternellement. Quoy! ne sçauiez-vous pas que le salut de vostre ame vous doit estre plus precieux que ces plaisirs corporels, que vous sauourez comme des mets delicieux? Si vous l'ignorez écoutez la verité mesme, qui vous assure qu'il ne profite rien à l'homme d'estre maistre de tout ce grand monde, si par apres il vient à perdre son ame.

Tous les biens de ce monde ne peuvent pas payer vne

me Dominus
Deus quoniam
loquetur pa-
cem Psal. 84.
Animalis ho-
mo non perci-
pit ea, quæ
sunt spiritus
Dei. 1. Cor. 2.
Ecce Pharaon
durissimus ta-
men proficit
verberatus.
Ante verbera-
tionem nescit
verberari, si
supplicari Do-
minum pro se
rogat. Orig.
Auferam cor
lapideum de
carne vestra,
& dabo vobis
cor carneum.
Ezech. 16.

Potio vni-
us est ne-
cessarium.
Luc. 10.
Nonne anima
plus est quam
esca?
Matth. 62.

Quid pro lie-
rit homini si
lucetur mun-
dum totum, &
detrimentum
anime sue fa-
ciat?

Marc. 8.

Stulte hæc no-
te animam
tuam repetit
a te: quæ au-
tem peristi
cuiuserant?

Sit est qui sibi
thesaurizat, &
non est in Deū
diues. Luc. 7.

Neque descen-
dat cum eo
gloria eius.

Psalm. 48.

Verbis eorum
non morietur,
& ignis eorum
non extingue-
tur. Isa. 66.

Sacerdotes qui
facti sunt in
Iudum, & in
humilitatem.

1. Mach. 1.

Sancta tua
cōcūcata sunt
& contamina-
ta sunt.

Ibid.

In predam in-
fantes eorum,
& uxores eo-
rum in exter-
minium, &
sancta eorum
in pollutionē,
& fierent op-
probrium gen-
tibus.

Indith. 4.

Hostiam vi-
uentem, san-
ctam Deo pla-
centem.

Rom. 8.

ame, & cependant vous abandonnez la vostre, & celle de
beaucoup d'autres personnes, à l'appetit d'une legere re-
compense. Ha fol que vous estes! Et si cette nuit Dieu vous
redemande cette ame dōt vous n'estes que depositaire, à qui
appartiendront ces Abbayes, ces biés de fortune, ce cordon
bleu, & cette place dans le Conseil, que vous auez acquis par
tant d'iniquitez? C'est vne erreur, si vous croyez que tous
ces honneurs & ces veritez soient pour descendre avec vous
dans les enfers; tout cela s'en ira en fumée, & il n'y aura que
vostre ame qui sera precipitée dans ces flammes eternelles,
pour y estre déchirée de ce ver rongeur qui ne mourra ia-
mais. A quoy donc pensez-vous? N'est il pastemps de quit-
ter ce profond sommeil où vous estes enseuely depuis si
long-temps? Les Temples sont profanez, les Prestres dé-
pouillez à l'Autel; le plus auguste de nos Sacremens traité
indignement; les fonds Baptismaux destruits en dérision de
nostre sainte Foy, & les choses les plus saintes foulées aux
pieds & traînées dans les bouës. Les enfans pendans à la
mammelle seruent de proye aux soldats; les femmes sont
enleuées d'entre les mains de leurs maris, les Bourgs, les
Villes & les Villages à six lieues autour de Paris, ont este
donnez au pillage a des Allemans & à des Polonois; tout
ce qui porte avec soy le respect est pollū, & il n'y a rien qui
ne soit exposé au mépris & à l'opprobre de ces nations étran-
geres. Les Vierges, qui par vn vœu particulier ont consa-
cré à Dieu leur pureté afin de luy estre vne Hostie viuante,
sainte & agreable, sont aujourd'huy arrachées du Sanctuai-
re, & violées aux pieds des Autels. Les Eglises qui ont tou-
jours esté vn lieu d'azile, sont maintenant vn lieu où les filles
perdent l'honneur qu'elles estiment plus que leur vie, & où
les femmes sont obligées de violer la fidelité qu'elles doi-
uent & ont promise à leurs maris. Et tout cela par le con-
seil d'un Cardinal qui n'a point d'Ordre, par l'appuy d'un
Prestre qui a voulu, mais n'a pū estre Cardinal, & par le con-
sentement & l'ordre d'une Reine, de quoy vn Prince a vou-
lu luy-mesme estre l'executeur. Je pourrois encore mettre
en auant beaucoup d'autres desordres qui sont venus à ma
connoissance, & qui vous feroient dresser les cheueux à la
tête, quoy qu'en soyiez vn des principaux auteurs, mais ie
les veux voiler du silence, afin de conclure la presente par

la seule priere d'y faire reflexion; si vous le faites, j'espere
 que nous aurons icy bien-tost Mazarin, ou au moins Mon-
 sieur le Duc d'Orleans, dont la presence porte le mesme ef-
 fet (par des suites que vous verrez) que si Mazarin y estoit
 en personne, & qu'ainsi nous verrons renaître le calme dans
 nostre terre, qui compatit & souffre avec les oppressez qu'elle
 porte; dont l'unique crime est d'auoir lancé vers le Ciel
 vne iuste plainte sur les miseres qui les accueillent depuis
 tant d'années, & qui les ont enfin reduits à la derniere ex-
 tremité. Si au contraire vous méprisez mes aduertissemens;
 sçachez que tout autant de personnes qui souffrent, sont au-
 tant de voix qui demandent à Dieu des foudres pour vous
 exterminer, & qu'il n'est pas croyable que ce Dieu des van-
 geances rejette la voix des pauures, qui crient à ses oreilles
 avec tant de iustice. Ainsi prenez garde, que le plus mau-
 uais sort qui puisse arriuer à vn homme, ne tombe sur la te-
 ste de B. auquel ie suis,

Deus ultionū
 Dominus.
 Psal. 91.
 Desiderium
 pauperum ex-
 audiuit Do-
 minus.
 Psal. 10.

Si fauorable,
 Tres affectionné seruiteur,
 Si contraire.
 Tres cruel ennemy.

PECCOT-QUANESI.

